

泰西名醫彙講

七

天保壬寅年鐫

秦西名醫酒果譜

樂忘居藏

泰西名醫彙講三輯序

天體穹窿。仰之蒼々。窅廓而坤輿欹繫乎其內。不墜。南北為極。球滾而九轉。然而其受日輝。遠近正斜。不一其狀。兩極出沒。高卑有差。緯度於是乎殊。寒熱溫涼。即分矣。是以五方之民。咸順天度。制其衣裳。貂狐羔羊。罽氊罽魯。以御三冬。是極北寒帶之所固宜。而錦繡紬緞。羅綺絺綌。乃至保袒徒跣之俗。則皆正帶諸國。以至南方熱地之服制。亦有其不得不然者。則不可必引彼律此。妄召其推魯無法也。其飲食。則西北土人。多啖禽畜之肉。馬潼為酒。蒸餅酥酪為食。辛辣香竈之物。蒲陶醲醞之味。之嗜。其南國之人。

反是。山簋菜蔬。唯寒燠良和之地。其人飲食。不偏辛辣醲
醢。不倚清冷澹泊。禽畜魚鼈。果穀菜蔬。雜錯交陳。此其風
俗之美。雖固今然。亦因得天地之正處也。豈可獨自誇大
而鄙視他諸國為哉。若夫衣服之制。本用不攝煖元之物。
蔽翳玄孔洩氣。以駐溫煦之氣於身也。古之聖人。特本其
情而節文之。以制吉凶朝燕之服。假使聖人生南北諸國。
豈必方袍深衣。而後為得乎。亦有順天度寒燠。藉民人所
便。以撙節之耳。若其食物。酒肉魚鼈。果穀菜蔬。又區以別
矣。要之。憑仗穀髓。而化同於固有之液。以榮養百骸。保存
生力而已。善哉西哲依卜子之言曰。食雖千萬。唯有一飢

養耳。故金石餌而不養人。沙土雖服。不可化同。苟物之榮
養於身者。必夾可化同之本事者也。黎奢蘭度又云。一切
食物。養人之本分。不過護摩黏液糖等之物。而推本分
之所創始。咸成乎水炭兩元。一含酸元。多寡不齊。於是
乎護摩糖粘液以判矣。今夫糖者。一種護摩之所酸化而
成。試取糖極力研細。變為畧肖漿粉之物。研細間。糖內幾
何分酸元。疏越味乃不甜。頗類粉末之味。具此性分之物。
少服餌。大補養。其飽入亦迅速。莫或以加焉。若夫乳者。嬰
孩性命之天也。而其性。含大量糖傑麗。由是觀之。五方人
物。食餌雖殊。舍密拆之。其所以化同於身之液者。不過護

摩等數件也。可以徵焉。獨奈世人不透此理。往往立之說。曰。西人飲食與此邦相反。天度亦迥殊。則醫方何得獨同乎。故執西洋方藥。擬除東人疾疢。固不中其肯綮焉。在克治其疾乎。此說一出。世之不悅者。翕然藉口。譁而攻之。乃至王侯大人。碩學博識之家。亦間傳誦。以為信然。不亦哀哉。及至近世。洋學之盛。大家輩出。其奇功實驗。赫奕乎在人耳目。然世尚有執拗不回者。余重深慨焉。故今謹述衣服飲食天度之說。以弁此書之首。庶幾以解世人之惑焉。云。天保十三年壬寅仲秋。美作箕作虔儒識於江都鍛冶橋第一足葬中。



泰西名醫彙講目錄

卷之七

賢堉耳麻質斯法治驗 同法鈔說

醋酸莫耳費涅功能 上藥治僂麻伊偃眼焮腫

瀉下利水藥外用途 蘇多麗格尼涅治黑障

消酸蘇多麗治麻痺不遂 硫酸莫耳治瘰癧

海葱摩膏治腹水畧記

卷之八

莫耳鹽內鹽酸莫耳尤效說 又下利經驗

頰嗽試醋酸莫耳搽法鈔 硫酸莫耳治目疾

泰西名醫彙講目錄 卷之七 賢堉耳麻質斯法治驗 同法鈔說 醋酸莫耳費涅功能 上藥治僂麻伊偃眼焮腫 瀉下利水藥外用途 蘇多麗格尼涅治黑障 消酸蘇多麗治麻痺不遂 硫酸莫耳治瘰癧 海葱摩膏治腹水畧記 卷之八 莫耳鹽內鹽酸莫耳尤效說 又下利經驗 頰嗽試醋酸莫耳搽法鈔 硫酸莫耳治目疾

又吐下治驗

蘇多麗摻法發毒記

馬錢華爾斯

製法再製

主治

平人中毒

馬錢丁幾

麻氏蘇多麗說

製法

主治

蘇多麗丸方

同丁幾方

蘇氏蘇多麗說

硫磺消酸鹽酸

麻氏莫耳費涅說

製法又法

用法

二種莫耳舍利別
醋酸莫耳鎮痛液

蘇氏莫耳費涅製法

別爾入氏法
勃龍氏法
造莫耳庶鹽括套
硫磺醋

三酸莫耳說

麻氏那耳格質涅說

蘇氏那耳格質涅說

泰西名醫彙講卷之七

美作 箕作 虔儒 庠西氏 基述

賢堙而麻質斯法治驗

按剝離外膚擦上藥末名賢堙而麻質斯默多德默多德學也

法也文中譯云擦方若擦上法是也

木華隆別耳

載一千八百三十四年刊行 獨逸別祿列應醫人○穆漢二家合著醫科時文會篇第十三年部初卷所

連別耳多氏嘗唱剝離外膚擦藥末於皮上之法然此法

至今未甚行吾獨逸其故盖有二一醫家始聞遽奇之意其

泰西名醫彙講卷之七 美作 箕作 虔儒 庠西氏 基述

必效而行之之後、或未足副其所望、一也、吾國所唱佛蘭西原病學、雖大重胃腸、未至憚勞胃行藥於皮部二也、且也、疑新弗信、排奇不容庸人文飾、無知之常體、此一念與上二故併、是以時文之中、雖或新奇可喜者、一切拋擲而弗顧也、余二年以來、試此法、參研之際、於其功能、頗覺有得、乃補綴成一篇、以頌之於同志云、

神經病最宜摻方、其動覺二機得病者、尤效、若其病之全治、與解一時之急、而不能去本根、自關病之所在、非必此法之罪也、又病在神經末端、散蔓四走處、行之殊好、一行之、藥氣久而不散、扶正防邪、是以神經痛、筋痙攣、醋酸莫

耳費^子涅四分氏至二分氏、痲不遂、硫酸蘇多麗格尼^子涅六
分氏至二分氏、為細末、先打泡、剥表皮、搽上、日一次、若二
次、

余試此法於上之諸證、亦頗多矣、今摘一證、以備考據、
一、嬰婦六十八歲、一千八百三十一年七月廿四日、夢魘
驚覺、顏色恒怯、汗珠綴面、適為賊風所中傷、翼朝、容貌呆
如有所失、三日後、請余治、右顏左喙、鼻頭左吊、左口吻拗
下流涎、右眼開不能瞑、結膜焮衝、若指捺、掩之、無力微瞬、
右肩不能皺、言語嬉笑、容貌倍癡呆、七情熾動、右顏如死
狀、其情益然、止溢於左、左右容甚不比、準兩脣綫下、言語

蹇澁其舌則如平掉運自在右鼻竈陷雖深息不哆開左
 右顏皮外覺如平其焮腫之眼則不麻木尚自覺刺痛其
 餘機運莫所失常於是帖下芫菁膏於枕骨乳嘴起齧骨稜
 之間顏神經初出來而循面之部之側行釀膿膏實俾思
 侯有膿氣取硫酸蘓多麗格尼涅四分氏上搽上日二次七
 日後疾完瘥病人大悅其眼胞癢三日已治結膜焮衝盡
 去
 別爾兒氏講明神經本學因說其末抄麻痺不遂議論精
 詳明快無復餘蘊至述其病性治法亦皆正確明實能發
 千歲不傳之秘矣今此治驗正足以証其說之不謬事實

也此種顏神經，局發麻痺，勿論其病因為僂麻質斯神經側之腺腫，偏迫而起之，與其發於顛顛之病，皆善變腦病，卒中至其甚，庸醫以藥迫劫，卒促其內攻，亦不少，可不大息乎？嘗見神經正學，未興於世，大家宿匠皆主張，認見而暗其本行，是以滔滔天下，迷而不知復正學之行，其難矣哉！王思句亞獨句蘇古密多氏，以一代名家，猶未能脫此窠窟，曾治眼臉縱緩，不能開視之病，打膿枕骨乳嚙起齧骨稜之間，抑顏神經枝，行匝驗筋者，痲則為兔眼，按眼不能閉此蓋亘其部打膿，若夫眼臉縱緩不舉者，則其病之病，不能閉此蓋亘其部打膿，若夫眼臉縱緩不舉者，則其病係動眼神經，不仁而仍打膿其部，猶打於腕脚，膿大伐無

幸無毫益其病也。由是觀之，其治法彼是錯謬，亦明矣。
一女人三十八歲，前此七年，嬰久顏痛，百治無效。及得衝
逆病，舊患一瘥，一千八百三十一年，跌傷其足，伏床中不
能起。一二週復得疼痛於左頰，發歇去來，勢極猖獗，乃打
泡耳後，取醋酸莫耳費涅半八，搽上，及第三次，疼痛全止，
後不復發。

今舉此一則，因附載私見於下，蓋不通曉此病之所區以
別之故，則診切間多悞鑒識，所以不得已於嗶嗶辨論焉。
別而爾氏說云：第五偶神經枝之分岐於具神經類節的
本根者，其枝極散布顏之外面內坎，平和則與覺機，病變

則作知覺過類若頰麻其過類則記有數種或逐神經末
 杪所循遍發疼痛於頰上多不局一處數處并發時占據
 左右半面之地伏於彼起於此或其疼痛盤踞神經細極
 恰如絲引線傳常着同一部位不移即散漫其近傍小經
 未嘗傳他經也佛蘭西瘍科晏獨爾越始意此病具一種
 異性矣然未命名及福的爾義兒耳氏出乃命其名曰顏
 痛云此病太率着腦神經第五偶之第二枝最善憑第二
 枝之眼窠下骨孔極按第五偶之第二枝名上齶神經而着
 其第一枝之行前額者差少按第五偶之第一枝名前額神經若眉神經
 經發牙床神經按第五偶之第二枝名後牙床神經
按第五偶之第三枝名前牙床神經

西名醫集

卷之二

四

樂志居

及第三枝之舌味神經尤少、按第五偶之第三枝、下齶神經之第二極、又分三條、其第二條、名內行、其痛有時間歇、或久或暫、遂又大發、其發也、舌若味神經、其痛有時間歇、或久或暫、遂又大發、其發也、疼痛極慘、毒輕輕撫摩外皮、若不意手觸患處、痛即發動、然緊捺其部、久之又和、是此病之一異性、而所以異、焮衝亦在此也、若夫鑒識病性、有三法、其一、病不多發、福的爾義兒耳、氏業醫數十年之久、其技大售、而診此疾、僅十四人、質列紐氏八人、微弗滿止一人、余則及今僅四人、而余術之不甚行於世、今十五年中、所治、不下一萬四千餘人、然得此證、僅一人而已、由此觀之、扶丁遜云、二年之暫、閱此證二百人者、豈非可疑之甚乎、其二、病人年紀、其人未

及四十、罹顏痛者、尠、其三、此病不治、醫聖依卜加得下此病神解曰、病共其人生死、豈非可傷悼之疾乎、余所知一老婦、年七十二歲、方其五十時、得顏痛、連丁氏紀、罹此疾三十年者、此疾時歇、止至半年、乃至一年、方其止時、或歸其效於某藥、及再發、始悟其不然焉、此一証、賢堙而麻質斯法、亦不底其績、纔能解一時之急已、

上證外、又有一等顏痛、率不問病人年紀、而發、遇醫治、乃痊、此証須要明辨其本末、正傍、且顏骨之疾、固是疼痛之本源、即分辨之、不甚難、有下其勢能及遠隔地方、猶夫齒病者、則此亦不可忽忽看過也、此種顏痛之本性、多發於衝

逆病是以得此証女人最多据余試驗行莫耳費涅摻方
 以解一時之急其效比鴉片之不能衝逆家多耐服之其
 優萬萬此証又宜鐵劑而格碌屈斯末爾扶斯為其最取
 半月分服日二三次或加大黃末為丸尤妙扶丁遜亦曰
 此病宜莫耳費涅摻方然扶氏已誤認質屈獨烏羅烏樓吉
 樓吉思按質屈顏微顫之義獨烏羅烏樓吉為顏痛則其
 說亦不足信据也思疼痛也顏微顫疼痛病之義也更又有一等顏痛其病性固吾人之所
 須講究且神經有一病底制度余名之曰越幾仙多立浙
 誌候制度按字畫一點中心之外而此病實屬其制度則
 規名越幾仙多立浙規名越幾仙多立浙亦不可不留意而明辨之也是此顏痛盤踞第五偶神經

本根未分枝掙之處、病勢又射未界者也、凡神經機性體
之病、地先大現其證、候於連患處之神經末端之四周之一
異性、故脊髓病、率先以足痛、強直始、時或始自足趾之病
曾見二十三歲女人、腦病先以右手指疼始、次全臂肉攣
急麻痺、其亞烏刺越必列布質加按不詳恐亦其病理不
外於此也、然如上病、尚曖昧不易知、若病在神經根、譬神
經根顛節若其傍、則其證乃明白可認、而其病例、及晚近
大明於世、其疼痛遍散、募五偶神經、末抄所募延之末界
顏上、眼窩、鼻內、口中、耳中等、莫一不蒙其禍、其痛數處
并發、或與頭痛交替、又此種顏痛、每必掠畧半顏、獨發神

經得病之方位、テ堙斯阿耳我尼薩體仍續增息、則反射木
 界之諸患、雖仍存、其部失感覺之機、ニハカユネト皮膚知覺傳宣萬觸
 之本能、麻木不振、前額頰皮、不能知覺一切外觸也、
 學者苟能以五偶神經、分布糾結之狀、校量於其諸証、則
 於其部フシジク養機、除德失常制之故、怡然理順矣、曾見一婦人
 嬰上種頰痛、其勢延及口中、齒漸腫焮、或漸角腫紅、頰內
 腺紅色陷沒、熱灼疼痛、或悞認為失苟兒陪苦ボイイ、然其證與
 頰痛迭相發歇、則知為五偶神經一技為之所累感也、
 腰痛得試賢堙耳麻質斯法、止一次、其人三十六歲女子、
 貧稟素壯盛、以雨中久跣、ニ走地上、得之、打腰樞、泡、每朝夕

藥
摻醋酸莫耳費涅半氏初二夜痛大減後不復効換行他

四肢痛莫耳費涅摻法神效余及此土社友所親驗其痛
不沿一神經枝所循而發如上顏痛而止著其散蔓末界
頃者一會友拔禮浙氏寄示一病案云一婦人左上臂疼
六週不愈諸藥皆無驗打泡患處側摻醋酸莫耳費涅半
氏數回疾痛即除矣

一少年十五歲先是病七年余一診為舞蹈病即行項推
蟻針與亞鉛華初小量漸加至大量八週而愈久之一千
八百三十一年四月又得大熱下肢疼如裂既而完愈居

頃之、左上身得瘧、不問語默、左口角常振惕、其言語如
 平、口舌位置亦如之、左臂瘧、搗手撐、凝體、乃輕、空手下垂
 乃劇、其證無停時、又不分晝夜、其臂運轉、雖無所碍、操作
 間、不免稍失常狀、望之、覺之、雅致、即如飲食際、左手把玻
 璃盞、若食匙、無力、屈臂徑及口、手曲腕張、彎環而達焉、此
 一證、舍電華謨已認為聖、向費黜思病按即舞蹈病、本候矣、項
 最下椎脊初推方位、指捺乃痛、顏色刮白、四肢羸瘦、屆歲
 抄、軀幹俄長、智識大開、皆不受些、病害、於是、打項上疼處
 泡、搽上醋酸、莫耳費涅、四分、日二、瘧搗之勢、與發作之
 數、不少減、第五日、換行硫酸蘇多麗格尼涅、八分、漸加

至半臥、病大減、居二日、口角痙止、臂不夜搐、居十四日、病遂愈、一千八百三十一年、其人未謝、容貌雅健、精力灌盈、為銅匠弟子、能執重役。

上証行摻法已收效驗矣、於是欲更試之於舞蹈病、一千八百三十二年十二月、適得二證、其甲、病証與上証肖類、是以不可不最謹其試也、一幼兒、歲甫十三、素得腺疾、初方其五歲時、大毀傷後頭、癩痕今尚儼存、一日得熾盛熱、病勢極急劇、腦脊得焮衝、感觸熱勢劇盛、其脉一分時得百三十三動、一身皮膚疼痛、項脊最甚、動身痛輒增加、仰卧床上、不能起立、小便頻數、大便秘澀、謔妄與嗜眠代作。

此等諸證，宜行有力消熅之法，最宜施項上脊際，局處瀉
血行之八日，應效皆如意。居一週，得瘰癧於口唇四肢，行
立不審固，動欲顛仆，夜則心神失常，高聲妄語，夢魘不安。
二日後，他部瘰癧已，口角右僻，仍貼其證，渾身一帶，筋肉咸
沾，舞蹈病，頗動作進退，後稍常時，乃打項上泡，搽上蘇多
麗格尼涅，初自六分，增至四分，日二次，無寸效。代之
用莫耳費涅，差驗，瘰癧完愈，然不能一掃心神，垂戾證，及
大導之於腸，三回，病初愈，其二，則搽法不奏寸效也。八歲
女子，四肢唇眼瘰癧，外語言亦艱難，神識乖戾，蘇多麗格
尼涅，莫耳費涅，毫不能鎮，抽掣安拋，手擲足証，願似有增

神識卒戾者是以十四日後卒止此藥轉行他方

由上二証推之、摻法不能治腦病、或時惹出其害、故舞蹈病不獨及脊髓、兼發神識卒戾證、決不可行摻法也、此出余所實驗、是以更附一言於此

瘕搐之宜行摻法者、為頻嗽、此病之為性極頑、抗尋常醫藥之力、不肯降伏、大率六週若八週而愈、為天然程限、然醫不體認此程限、此際所無併之困、篤熾衝動、迫劫人命、而醫又乏克治之術、束手受敗、則其傷心孰甚焉、此証世醫好用解困惱、以促經過之劑、余遇此瘕咳、輒用醋酸、莫耳費涅摻法、而其解一時之急、遠出於世醫所使用庸藥

之上、然此藥易發精力沉頓、困劇昏睡、而周歲赤嬰為尤甚、故欲行此方、短促程限、取十全神效、應須要減少其分量、與摻上之數也、

帖芫菁膏於此病、其部位有得失利害、則今舉論之、亦非妄舉也、太率世醫、遇氣息具之疾、即打胸頸泡、為常套、如痙性咳嗽亦然、而此証每善摩吐酒石膏等、於心窩、氣管之焮衝感觸、若氣管病發咳嗽者、務近患處打泡、以分導其疾、法也、孰能間然焉、若夫咳嗽由氣息具之神經之本病而發者、亦準之、若此証打胸項泡、其悞猶腦脊病發四肢痺搐者、打膿於臂脚、皆為不中肯綮、若夫治痙性咳嗽

生於神經末端之感傷者，醫須要務從氣管神經本根導
洩之，頂上若初項推，正是打泡本處，欲以直達其藥勢於
八偶及交錯之神經也，此為不可欠之妙方，何其交錯八
偶之神經主動喉頭筋，而八偶尚知覺故也，此二神經毘
斯骨夫氏所試驗最明了，云蘇多麗格尼涅治動運神經
之疾尤效，故頓嗽欲行摻方，此藥迥出莫耳費涅之上，今
余初試用此藥，大収其效矣，將俟他日補綴成篇，以領同
好也。

瘞性咳嗽，按頭當据上說處置之，其發於喉頭神經本患
者為亞斯的末密而樂兒，即密而樂兒胸窄病，此病後未醫家徒認

為神經末界之病、而氣管瘵搐之証也、而未知其為喉頭、神經根兩兩相合之部之越幾仙多立漸之證、此証亦當沿此例治之、

癩不遂發於神經機性具者、行蘇多麗格尼涅摻方、而其功能不必顯赫、應病之所在、與病之性、藥效每懸隔也、

一千八百三十一年八月一婦人、延余年二十九歲、已產五子、一二年前患癩丹毒外、莫復有所病也、先是五週、乳其六子、忽覺右手足困重麻木、渾身大流臭汗、適乳孩有病、保侍切至、無暇自溫養其病、臭汗遂止不出、既而兒竟不起、婦悲慘殊甚、困重癩延及右臂、脚腹則其癩升至心

窩背亦如之、居十四日、左手足亦病、如右肢、夜則左手足
酸麻、如蟲行皮中、睡寐為之不成、或時大小便失禁、數週
已、又自愈云、診切間、其證如左、左右下肢麻痺、左脚殊甚、
試令立、出床外、二人扶掖、脚尚戰掉、纔前一二步、又試令
仰臥、床上、舉動其足、左右上下、轉運如意、左臂舉動、難於
右臂、髀背、肚皮、麻痺尤甚、針刺亦不覺、甚痛、大便頑秘、小
便瀉少、努力僅利涓滴、其月事、產後尚未來、一身無熱、食
機不廢、養機如平、余私謂、其病因不可得而詳、則行勇猛
之藥、大宜達病的、脊髓經竇外、莫有他策、且其病、不見毫
挾、焮衝、宜行治神經、司動部之病、一奇藥、馬錢為其味、於

是打季脊椎泡大可悉計而林偃許名錢及成膿搽上醋酸
 蘇多麗格尼涅四分氏之一日二漸加至四分氏之三乃
 興一異效力每搽後一時半若二時洋刺四肢筋輒拘攣時
 驚跳頭痛前額尤疼甚行之三月間止其外用內服馬錢
 四週兩脚轉動畧適八週月事乃來三月後完痊唯左足
 麻痺未除試俄羅斯氣浴按密多地藥說畧載其方又不能收全績
 一男子五十歲一千八百三十年十二月邀余問治其局
 發痿痺其病得之仰墜於車跌傷脊梁診之病如上證仰
 卧床上乃能舉動兩脚豎起下身軀兩人掖之其脚尚戰僅
 行一二步此脊髓痺之所以異腦痺之一證而若腦痺則

雖仰卧撐脊梁決無力轉動其足也病初發病人即便覺如施鐵箍於下身此髓體方腰脊部位沾病確兆其大便頑秘小便澹少留駐本病令不愈之因也患處雖麻痺養機覺機不蒙其累於是打李脊椎泡病人四日來不大便因摻加羅默兒三氏於皮脫處六時後黃褐燥屎大利如此大便秘疾以來所未有也續行加羅默兒兩日效皆同前及第四日摻上蘇多麗格尼涅初四分氏增至半氏日二次摻後一時半若二時上下肢抽掣睡中尤甚病人為之驚覺者數次行之四週大小便調順下身覺如繭寔者盡消但其痿痺依然如故遂止摻法行俄羅斯氣浴三十

回痿痺完愈其人本業巧慢至是復操舊業
麻痺病劫畧筋神經外既深連累脊髓骨髓因而沾其病
渾身瘦瘠若其病勢已犯腦五官意智睽乖者每試摻方
未嘗奏效至病如此摻法功績不能必出他藥之右也
腦體自頹敗因發麻痺摻方每不驗若此證行摻方宜細
心投之依余所驗病已犯腦者蘇多麗格尼涅眩極烈
且駛急嘗見二十九歲女子左身麻痺服藥二月許無寸
效迺行摻方一二時後左身痺處劇痛頭痛已甚咬筋緊
急牙關不開而本病莫少退可以徵也英吉利國三醫李
思東牛篤黎惠法耳多皆謂黑障眼宜蘇多麗格尼涅余

試之二人又皆無驗

神經性病外亦於久性肺病數試摻法其效約止緩甘一時而終不足望遠大效能肺勞瘵久性感冒久性氣管枝焮衝之類咳嗽極困劇者行醋酸莫耳費涅四分若半氏日二次痰液黏膠吐之不出行金硫黃若結爾茂斯一若二分其莫耳費涅摻法不碍吐痰不秘大便其效優於鴉片然打睡之能迥立鴉片之下故行摻法際亦不可廢鴉片然獨用鴉片非徐加分量莫成其效而肺勞瘵証鴉片與莫耳費涅迭用無此患也

水病行摻法無用海葱者若欲利尿宜撒摻法若不撒之

皮脫處疼甚不去、焮衝方熾、打泡所出之水、亦為之所碍、不流涓滴、故也。

大便頑秘、搽法太驗、在昔醫家、早已知盧會有施瘡瘍發下利之能矣、嘗欲久駐打膿之處、內盧會丸於瘡裡、大下利不止、竟撤之、蒙羅云、嘗見一腐骨帖盧會丁幾、泄瀉數行、按行下藥於皮上、其勢反趨腸者、猶病吐矢、口服下劑、多不下利、反發吐逆、其狀酷肖、余嘗治二證、摻加羅默兒三氏、其人適不大便、兩三日、一二時後、即通、又此上一學友那多兒布、話曰、一婦人熱病、神經緩怠、第十四日、請治其證、自初發不大便、諸藥無效、及第十八日、打心窩泡、摻

細末盧會六分、大便始大利、次日又秘、又行如前、如此數次、乃知其通利、每發於盧會摻法矣、

行摻法之心法、宜令其創面便喻入、其痂塊及臨花膜、久打泡之、必所不免、而此物甚障碍吸德、如此者、宜剝離別處、中處、中處、開闢新道、又摻法、易乾、創面完之、欲防之、換帖釀膿膏、若芫菁膏、日二次、最妙、摻方不可一次多用者、大約取六分、分和同量沙糖研細、今舉一方、例之、

醋酸莫耳費涅

一分

白糖

二分

右細心調停、分為六裏、每朝夕取一服、摻上、若其藥大量、不必下陪藥、

賢埜耳麻質斯法鈔說同第十年部第三卷一千八百三十一年刊

虔儒按賢埜耳麻質斯法實極西輓近一新奇術而

權輿於連別耳多氏則此書開卷第一宜先載此一

篇而後次第及他篇然此書體裁本不立先後次第

每得一篇輒抽筆纂譯逮積成一卷即上梓是所以

此篇在前一篇之後也然此非余妄意創此體西洋

叢書莫不皆然也覽者宜貫串首尾照應前後而後

悟大意所在焉

亞中句連別耳多佛蘭西國把理斯人一千八百二十八年著穆漢二家鈔錄

余二人合梓時文會編數載賢埜耳麻質斯法人人耳目

爛熟已久，則今又畧鈔連別耳多氏一首，開載於斯，亦自知不來覽者之恠焉也。其連氏之書，以一千八百二十六年九月，上於把理斯大學校。其默多德トド句賢トク垤耳密奇トク者，行藥物於本皮上，藉肌膚トク喻トク德，達藥力於身內，以克治其疾之法也。欲施之者，以芫菁膏先剝表皮，大興本皮運動，而後摻上藥末為法。連氏之前，往往有行此法者，及連氏出，增恢弘其法，以成其說，功業亦偉矣。夫皮膚則行藥於身內之一大道路，而與消穀隧道トク道トク胃トク莫少優劣也。然世人唯知消穀隧道為行藥之大路，而毫不悟其本於喻德而發焉也。世人又謂其行於皮

上而效，獨有鞭軟膏摩膏而已。其浴法亦足傳藥氣於內矣。而不知藥氣之自表入者，其性每皆至純專一，為他道之所不能及焉也。若夫穀隧則百味津滲，藥物欲逞其純淨之能，而夫味或碍其功，或混其性。且夫藥之自皮傳者，更有一大利益，若擇其方位而扼其要地，藥之功能更尤雄偉。其狀歷歷可指也。然自皮傳之藥物，應須撰擇分量，么小而功能鴻大，其成分具可喻納之性分者而行之。且也，其法又甚煩碎，故每病不可必皆施之，每時不宜必皆行之也。其法雖已然煩碎難行，然其功能願乃鉅大，可仰也。連氏又欲發明傳藥自表之良法，黽勉苦心日從事其

術而謂剥表皮用芫菁膏為上其滾湯打泡本取其速也然觸皮之熱度每難精密料度觸表皮際本皮或蒙其累喻德一旦為之剝喪遂至不可施此法行芫菁膏疼痛者行巨大芫菁布於其上乃治其泡起乃刺最卑處洩去物也納藥末膏液於其內若應要數次摻上行之之前先施緩和芫菁布揭去痂皮若乾癢之體若物乙多洋溢且先淨刷剥脫之面而後摻上之海葱越幾蘇多麗格尼涅韃而答越默窒莫耳費涅規尼涅菲阿沙越幾結爾默斯密涅刺列諸品皆大衝動創處皮面津津流出物乙大起其部覺德若夫加羅默兒鉛糖乾燥創面而完之其華爾斯性物

為_レ靛膏燥固之品為_レ細末刺戟太劇為_レ喻入發大焮衝之
物_レ和軟脂為_レ膏其部位則擇表皮柔脆蜂窩體豐足血脈
神經布滿之處最好又其部位須要務近患處其那耳格
質_レ加施項殊驗其蘇多麗格尼涅務近_レ麻痺之部行之即
捷效行藥於皮上一區渾身為_レ皆所大感動急燙滌其部
而後行軟膏或以布片按定或以緩和_レ琵琶布蒸熨若夫藥
氣之發有_レ汎局二應局則一區動惕微疼焮赤熱灼汎則
其應生自藥物之天性藥之性有_レ行之後十秒時而應者
有一二三時而應者太率其部先覺_レ溫暖漸傳大血脈神
經幹云又連氏分款條說藥能如左

莫耳費涅、此藥摻之即肉痒衝動不攔物乙津溢徑案
靜諸部知覺、癩理神經乖戾不發小便難大便頑秘毫不
犯胃然內服或善害胃機又摻上後肺管除德減少氣息
寬鬆脉動小弱肌膚抓痒温煦津潤或發丹毒癩疹終則
瞳孔縮小恍惚欲眠不能熟寐眩暈頭痛智識錯亂失氣
內服際所發中毒諸證若夫消穀隧道得煥衝景况可禁
此藥內服者宜外用各部疼痛神經動運乖錯行之即愈
如有鬼神呵護然其藥末分量應創處大小與疾病輕重
自六分四分二分一以至一二分以上單味行之不必下陪
藥又載其治驗十二證其四證皆四肢強直就裡其甲則

病麻痺行蘇多麗格尼涅分量過大因發此證其乙則因
創傷而發其丙則病衝逆之女人適侍癩癩家側見其發
作而發其丁則發於腦病併肋膜肺焮衝之證又其二證
久性氣管焮衝又其一證腹肚疼痛痙攣又其一證子宮
鞭腫證又其三證皆僂麻質斯又其一證伊屈多也由甲
證知莫耳費涅為解蘇多麗格尼涅毒之聖藥
蘇多麗格尼涅其一區衝動比莫耳費涅差微然興起
除德則甚於彼其發藥氣於渾身太率在二時後多乘睡
寐而發已發其入身心不安或得大頭痛而寤麻痺之肢
微筋惕若大拘急抽掣痙樣拘戾此證不止五時至十二

時其脉駛疾身熱滋甚大率此藥之性善治麻痺或一搽即愈若加其量反復施之諸證慘烈恰如內服際所發諸証此藥外用治四肢頭首麻痺尤驗其分量一次半氏至一氏或間數日反復亦可

硫酸規尼涅子 堿子 馬而珍子 嫡嗣嘗試此藥一千八百二十七年著一書以布世連氏則謂搽上後十若十二秒時煦溫可人之煖氣先自其部而發沿四肢而及身上徐彌綸子 手軀其髮細管運動盛知覺旺脉力大然不數又多不實溫氣已生則感惕興筋肉動運流利生力充盈諸况留駐一二時間歇熱亦搽之奏驗若夾傍證不宜內服本藥

者、摻之尤效、性惡神經病、發作有時、亦宜此法、先發作、霎
 時、務近本病所在行之、乃好、分量、四六八、數回、反覆行
 之、按規尼涅、幾那、成分、和硫酸成中和鹽者、曰硫酸規尼
 涅、製法見本篇卷九

上文所引馬而珍書中、引證七事、

其一、硫酸規尼涅、芫菁膏打泡、摻上藥末、善治間歇
 熱、但有害喻德之物、不效、

其二、硫酸規尼涅、以其一奇性、善治間歇熱、決非導
 泄液體、若效一局處、而愈其疾也、

其三、此鹽之所喻、而攪入於皮脫處、其效為至完善
 其四、如之所喻、人之鹽、雖至小分量、其效優於行從

消穀隧道者萬萬

其五、硫酸規尼涅為末，摻芫菁膏創上，焮衝。

其六、此鹽得些蠟，其性畧化，不甚毒，其創處無發疼痛，焮衝。

其七、單間歇熱，摻上此藥，為重切治法，其性惡頑，痼熱病間，摻之效驗。

結爾默斯密涅刺列，為摻方用之，衝動皮上，下區內則增肺管之膜之動運，治胸肺病。

韃而答越默質，摻用大衝動皮上，下區內則興下利，發蒸氣，一人病顏丹毒，摻之即治。

麝香、發蒸氣、減尿、分泌、喘息病、搽此藥即愈、

阿魏、搽之無他效、一人病至額前額痛、行之痊可、

雜腹蘭、內外用無異能、

葶藶越幾、斟酌其分量、且遠於頭面而搽之、決不害瞳

孔、大量則如內服然、治氣息困難、減肺管分利、

海葱越幾、增膀胱、胸肺除德、二越幾搽之、大衝動其部、

升汞、和脂為軟膏帖上、不生瘡、如內則增皮煖出汗、盛

膀胱除德、發吐涎、四肢不意抽掣、

醋酸莫耳費涅功能驗說、同上第十五年部、第六卷、一
百三十六年刊、

幾涅子 州死 醫斯 負的 田列 原印 綱醫 尚人 卿○ 謙長

余嘗欲試莫耳費涅鹽於其主治諸病、醫治間、苟遇其證、
輒試之者、業已二三年、及今乃得下款、驗說一篇云、阿爾
非樂氏レ設爾ル默爾ル涅兒子氏レ皆曰、醋酸莫耳費涅、以酸配伍、
既變化其質、為緩柔矣、余謂取八分、四分、若二分、以、
分量與病人、其效優、不讓鴉片之初能、然鴉片、繼之急血、
行積血於一區、大升身煖之度、麻醉昏冒、更又逞發自己、
本有毒性、而醋酸莫耳費涅、無挾此、第二能也、依上所云、
行小少、分量、反覆試之、此藥的有降鎮、止痛定痙之能、其
畏牢達ヲウダ紐グ莫ニム第一、毒性、難用之、若臨急劇之病、對困惱之

卷之六
醫藥考
二下
藥考

証投非阿舍越幾老利兒結爾斯水不少效或用意斟酌行之僅效者今則行此藥談笑間救急解紛功用尤博矣久僂麻質斯久咳嗽或先行亞烏天利多膏方見本篇卷六芫菁膏剝離表皮而摩本藥於其處然不幸未能收大驗如他病也胃痙攣痛劇烈鉛毒疔創傷疼痛不能眠者與之最善解急劇安苦惱肺勞瘵投之大驗其已得第二三程限者尤妙但和一時之困苦而不能拔其病本可惜也得此程限際咳嗽困劇胸臆感惕不暫安靜痰涎壅盛吐咯不易胸膈煩熱疼痛心中懊懣惡心嘔吐尋常豁痰清胸之藥毫不效者和醋酸莫耳費涅八分氏若四分氏於乳糖

用過爾託煎送下、僅下咽、諸證即安、而後其患續平和、大
率無復發、應要更行此等分量之証也、行此藥、其生力本
張者即弛、病人輕輕眠去、及醒、身心覺強盛、從前諸證盡
解、病人無一所苦、痰涎乃豁、不復勞吐咯也、又此程限際
必盜汗、腹痛、泄瀉交作、此證奪精力、焯血液、為其性、此藥
克控制其病證、令不安、焯解、若伍適切、主藥一二日連進、
其諸証即除、數日、余頃親療劇烈勞瘵之在此時限者、新
又發明其有此能矣、然連用際、畏病人慣其藥能者、方上
文、諸證既蜂起、病人必欲得降靜之藥之時、特行之為可
餘慎不可與之也、

行此鹽際未曾見發一惡候但取八分以至半分小心用
 之且商權病人天資未必至容易惹大害耳
 諸家載醋酸莫耳費涅治疾功能今試之不能必皆如其
 所言則其緩甘肺勞之苦惱而延其生命者亦決不可皆
 為最勝緩和良方可知耳

醋酸莫耳費涅治儂麻質斯句伊偃多性眼焮腫同上第十

五年部第六卷一千八百三十六年刊

伊句勃聯涅兒刺水拔弗盤人

眼焮衝原儂麻質斯句伊偃多而發其證以定期發歇者

醫師宜必握其制馭之權發即治之不然其勢極慘毒動
犯瞻視喪其雙瞳之明焉此證投醋酸莫耳費涅有百發
百中之效猶規尼涅我那之於間歇熱其奇驗不可勝言
余則每主後方

扁桃油 一勺

醋酸莫耳費涅 四勺

右調停每一時取三四滴摩眉毛之部不效者
一行此法邪勢即敗歟萬不失一

瀉下利水諸藥外用效能述同上第八十一卷
北亞墨利加リカ內外醫事日記中載醫生業而花爾度所作

一文今摘其大意以附錄於左。世醫大率用蒙汗強固之藥以驗賢堙耳密竒效能有無者多矣然未有試下藥於外用者其故何也蓋其心謂下藥自非從腸胃行之則不能奏效也余則謂下劑之品亦夥矣而其中數品固有非從腸胃行之則不效者然一切衆藥豈皆然乎若夫分量小力能大之品殊不可以此一例推之也又瀉下利水藥之應要外用者其證十居一二而若精神病嬰兒諸病難施內藥者僅可行之已是以所以此藥劑之不及於今尚歷試驗也。盧會為一好賢堙耳密竒藥帖皮上一區不甚衝動摻

上即融化，以內服分量試其外傳，效能殆相若矣。外傳分
量十氏，隨證及復行之，試此藥者三證。一男子四十歲，數
日以來不大便，帖芫菁膏於上腹，剪脩泡皮，摻盧會十氏
於創上，一時後大便乃通。八時間水瀉六七行，及再行十
氏，大便十行，若十二行，其二證亦如上證。其三證，行後膏
於芫菁膏創上。

沙格多刺盧會 二十四氏

蠟膏 一氏

右調停，每回取此膏三分之一，帖創上，日三次，
每行之，大便乃大瀉。

藤黃亦甚易融化，為賢埴耳，密竒行之，有大力能然，以

越樂的律母、取一氏、每一時若二時、搽上、獨衝動一區、

無遠大之能、按扶勃溼兒云、野生微的、格謨格謨木耳、胡

之大瀉下、又按此物不產本邦、

巴豆油、宜慎行之、然以十滴、點荒菁膏、創上若瘍面、亦

不甚瀉下、

復方格碌董篤越幾、雖行一刃、微利已、按復方格碌董篤越幾方不可詳

利水藥、水腫病、夾腸胃、焮衝感惕之狀、不可內服利水

藥者、為賢堦而密竒用之、兼內服承劑、以扶其效、尤良、行

賢堦而密竒於此病、腹肚為其最好處、如他劑一例、此以

其方位具喻、德尤盛大也、業而花耳、度氏、以海慈伍實、艾

答以試其功能云一婦人六十歲久罹腹水帖芫菁膏於
 內股取海葱末四氏搽創處日三次小便大利續行此藥
 水腫乃減繼而全差一婦人三十六歲一週以來嬰胸水
 既而變渾身水腫脉疾而弱小便瀯少內服衝動劑帖芫
 菁膏於腹上晚間搽海葱末寶芟答葉末各四氏及明朝
 又搽上小便大利反復行之水腫大減四日而全治

蘇多麗格尼涅治黑障同上第十二年部第一卷
一千八百三十二年刊

密多勒蒙列氏外用蘇多麗格尼涅治純神經性黑障之
 說一首今節畧其大意如左

虹彩若眼神經一帶諸系虛羸縱緩若渾身神經尫弱視力為之乏弱不足者以要言之短睛黑障生於神經汎局真虛者蘇多格尼涅外用妙治其疾若得疾未久其效尤顯赫然必欲行之十不誤一診候間應須要以諳鍊之目小心查驗若器體苟有所傷廢若因眼目頭額多血液者誤行此藥不唯無效或生大害若證得短睛黑障為純神經性宜行狹小芫菁膏於兩眉上然決不可過大犯兩外眦繼之剪脩表皮安小布片於創上半時喻去汗津津益之物也而後摻蘇多麗格尼涅若沿眼窠上神經

按眼窠神經第一

一枝名前額神經又眉神經三枝中最強韌者直自眼窠上部沿其骨膜來于外近眉下骨稜之下分一此枝穿

上胞脂肪行內眥入斜上筋之滑車軟骨前額神經分此
 一、枝後其經循眼窠上骨孔而上徑於其處分一二小神
 經上眼胞外面更分許多小極分別其枝極為強聽神經
 二、神經在外者散蔓皮內而其向外者與強聽神經
 一、二枝合其在內者散蔓前額
 肉、眉肉中其一二極行腦膜之所循摻之更妙然摻之
 不可多以二十四時宜喻納之分量為度而止時刻一周
 乃復摻上摻之後用蠟膏薄攤布片覆其上既而漸加蘇
 多麗格尼涅今量至得視力強大若其不應者亦漸加分
 量至見其害而止行此藥創處疼痛者伍粉末若鴉片如
 是痛仍不減者暫停摻法調理腸胃而後復行前藥行之
 頭痛筋惕一身神經感動大盛其他摻法相反證蜂起而
 視力不加於初當初撤此藥

消酸蘇多麗格尼涅治麻痺不遂同上第八十六年部初

年刊軍中內科紀效所載

內服法

一太守鰥居體稟虛弱年紀五十四歲冒寒氣後得微病
崩即便沾四肢痿痺知覺掉運之力盡喪亡黠哺行役皆
須人看待恰如赤嬰然樂微屈浙醫人遇別耳氏行有力
適切內外藥治之十四日毫不變病狀但及其第十日熱
况初去耳於是技倆皆究乃試消酸蘇多麗格尼涅初八
分氏日二服既增至六分氏日三服行此藥際發破傷風

狀癩病是服此藥間所必發之證而其狀酷肖越力機震
 擊此證止則大汗淋漓而出其癩病之狀及增至一爪半
 乃發其脉畧實氣息喘鳴於是停藥一二日諸證減後復
 行之及漸加至三爪半癩痺初治計其時日從初請治僅
 五週其證全治其初癩痺不仁不能舉動之四肢今則完
 固不留些痕跡

賢垚耳麻質斯法 局處外傳

一千八百三十五年夏第三十九列業綿多 按軍隊名三
 十二魯多為一百列屯八九百列屯為一拔 泰耳龍二拔
 泰耳龍為一列業綿多一列業綿多其兵五百七十八名
 乃至六百四 步兵之小廝一日觸身風寒且跌撲其脊既
 十八名云

便發肺嗽衝此證僅治則本病又發四肢痿痺故壯實的
三十九歲男子今則令其試行步乃踉蹌進前僅跬步即
便不能_三幸住脚跟而地坐矣十月八日於脊兩側故跌撲
之部位行打泡硬膏揭去泡皮摻上消酸蘇多麗格尼涅
初六分氏次四分氏終乃半氏行之一二日覺兩脚痒麻
足蹠殊甚及增加至五分氏病人損但行步際仍不免踉蹌
然不復卧床中又能輕便起立十一月八日又加其量至
十一分半痿痺痊可及行此量後發蒙汗證然其證便去
本月二十日休藥爾後無病復服原役

三十九列業絲多銳卒嬰僂麻質斯後得左臂麻木厄弱

來刺撒列多見久吐下治驗條下下摻消酸蘇多麗格尼涅亦速治

肢節僂麻質斯試莫耳費涅鹽同上第十二年部第一卷一千八百三十二年刊

一千八百三十一年十一月所刻醫事總錄載薦羅烏舍

亞烏向アウウ盆涅多ボンチ二家治肢節僂麻質斯法大學師列加密

兒ル在把理斯醫院又据其法行ヒドロソラス水素蘇魯林ユリ膠里亞斯アス即

也酸硫酸莫耳費涅於剥離表皮之皮上上以試此疾其說謂

硫酸莫耳費涅為皮所喻納比醋酸神速而完好因知三硫

酸效於醋酸矣其分量一三四氏至六氏剥其表皮用諸

沒尼亞加列膏為妙如是十若十五秒時即脫方諸ア沒モ翅ニ

毋工仙多刺兒按蓋謂峻列家些硬脂各等分軟脂半
之以上調停或為丸內服亦可若諸肢節一時疼痛行芫
菁膏亦一時數處有一病人一二日間帖芫菁膏其數至
六十者

硫酸莫耳費涅治瘰性膈噎

同上第十年部第三卷一

食道瘰癧而狹窄嚥下為之所碍之証醫人阿母勃尼雜

投諸藥不見寸效其技殆窮後据賢控耳密奇法行硫酸

莫耳費涅始建殊勲云其法先以多小芫菁膏打頸側泡

泡後於皮膚剝脫處行上藥半氏居頃之瘰癧解狹窄豁

噤下如故見一千八百二十九年醫事總載編

海葱摩膏治腹水畧記同上、第十五部、第五卷、一千八百三十六年刊行

一男子四十一歲、二年以來嬰腹水、其人惡一切藥味、皆不入口、不得止、取海葱末量宜、和家猪脂為膏、摩腹上、日二次、小便大利、水脹頓消、醫人思屈密獨多、郡縣理學志所載

泰西名醫彙講卷之七 畢



